

卷十

儒門事親

卷十

儒門事親撮要圖卷之十

難素撮要究治

太	太初	太易
	也始之氣	也氣見未
戊胃	丁心	丙小腸
		乙肝
甲膽		
肺	心	包絡
		小腸
		大腸
		三焦
未濕土 手太陰	午君火 手少陰	巳風木 手厥陰
		辰寒水 手太陽
		卯燥金 手陽明
		寅相火 手少陽

從其氣則和

是動則病者
氣之所感也
天之邪感則害
人五臟肝心脾
肺腎實而不滿
可下之而已也
水穀之寒熱感則害
人六腑膽胃三焦膀



識病用藥之圖

太始之形也		太始之質也		極	
辛肺	庚大腸	壬膀胱	癸腎	巳脾	申相火
肝	胃	膀胱	脾	膽	足少陽
足厥陰	足太陽	足少陰	足太陰	足陽明	酉燥金
亥風木	戌寒水	子君火	丑濕土	足少陽	申相火
違其氣則病					
膀胱大腸小腸滿而不實可吐之而已也 地之濕氣感則害人皮肉筋脉 肌膚從外而入可下之而已也 所生病者血之所成也					

天此	地論	六元	位無	歲此	象圖	之添	圖之
屬在天	大虛	天面	火	為金主清	肺	上焦	下絡大腸
屬中	風雲	萬物之路	火	君火主熱	心	中焦	下絡小腸
屬下	地面	黃泉	火	風木主溫	肝	下焦	下絡膽經
屬			火	火主極熱	膽	次	卷終
			水	濕主涼	脾	下焦	下絡腎
			水	寒水主寒	腎	黃泉	旁絡膀胱

外有風寒暑濕屬天之四令無形也

內有饑飽勞逸屬天之四令有形也

一者始因氣動而內有所成者謂積聚癥瘕瘕瘕氣癰

起結核狂贅癰瘤疏曰癥堅也積也瘕氣血也

二者始因氣動而外有所成者謂癰腫瘡瘍疥癬疽

痔瘡瘰癧浮腫目赤爛症附腫痛痒之類是也

三者不因氣動而病生于內者謂留飲癖食饑飽勞

損宿食霍亂悲恐喜怒想慕憂結之類是也

四者不因氣動而病生于外者謂瘴氣賊魅虫蛇蠱

毒伏尸鬼擊衝薄墜墮風寒暑濕斫射割刺之類是

也

風木鬱之病

故民病胃脘當心而痛四肢兩脇咽膈不通飲食不
下甚則耳鳴眩轉目不識人善僵仆筋骨強直而不
用卒倒而無所知也

暑火鬱之病

故民病少氣瘡瘍癰腫脇肋胸背首面四肢腹臍臙
脹癆瘵嘔逆痰涎骨痛節疼及有動泄注下溫瘧腹
中暴痛血溢流注精液衰少目赤心痛甚則昏悶懊
惱善暴死也

濕土鬱之病

故民病心腹脹腹鳴而爲數後甚則心痛脇腹嘔逆霍亂飲發注下肘腫身重脾熱之生也

燥金鬱之病

故民病欬逆心腹滿引少腹善暴痛不可反側噎乾面塵色惡金勝而木病也

寒水鬱之病

故民病寒客心痛腰膝痛大關節不利屈伸不便善厥痞堅腹滿陰乘陽故也

○初之氣

自大寒至立春春分厥陰風木之位陽用事而氣微故曰少陽得甲子元頭常准以大寒交初之氣分以六周甲子以應六氣下倣一月正月二月少陽三陰三陽亦同

二之氣

春分至小滿少陰君火之位陽氣清明之間又陽明之位

三之氣

小滿至大暑少陽相火之位陽氣發萬物俱成故亦云太陽旺其脉洪大而長天氣并萬物人脉盛衰造

物造化亦同

四之氣

大暑至秋分太陰濕土之位天氣吉感夏後陰已用
事故曰太陰旺此三陰三陽與天氣標本陰陽異矣
脉緩大而長燥金旺緊細短瀉以萬物乾燥明可見
矣

五之氣

秋分至小雪陽明燥金之位氣衰陰盛故云金氣旺
其脉細而微
終之氣

分疑
水字

小雪至大寒太陽寒分之位陰極而盡天氣所收故
曰厥陰旺厥者盡也

風水肝酸

達鍼

與膽爲表裏東方木也色青外應目主治血芍藥味
酸微寒澤瀉鹹平烏梅酸熱
諸風掉眩皆屬於肝木主動治法曰達者吐也其高
者因而越之可刺大敦灸亦同

暑火心苦

發汗

與小腸爲表裏南方火色外應舌主血運諸經大黃
苦寒木香苦溫黃連苦涼沒藥苦熱

諸痛痒瘡瘍皆屬於心火治法曰熱者汗之令其疎散也可刺少衝灸之亦同

濕土脾甘 奪鉞

脫外字

與胃爲表裏中央土也色黃應辰主肌肉應四時蜜

甘涼甘草甘平

諸濕腫滿皆屬於脾土治法曰奪者瀉也分陰陽利水道可刺隱白灸亦同

燥金肺辛 清鉞

與大腸爲表裏西方金也色白外應皮毛鼻亦行氣乾薑辛熱生薑辛溫薄荷辛涼

諸氣憤鬱皆屬於肺金治法曰清者清膈利小便解表可刺少商灸亦同

寒水腎 折鉞

與膀胱爲表裏北方水也色黑外應耳主骨髓壯蠟鹹寒水蛭鹹寒

諸寒收引皆屬於腎水治法曰折之謂抑之制其衝逆可刺涌泉灸亦同

○大寒子上初之氣

初之氣爲病多發欬嗽風痰風厥涎潮痺塞口喎半身不遂失音風癰風中婦人胸中留飲兩膈腹微痛

傷寒論
卷之十
嘔逆惡心旋運驚悸狂陽心風搖擗顛掉初之氣病
宜以瓜蒂散吐之在下泄之

春分卯上二之氣

二之氣爲病多發風溫風熱經曰風傷於陽濕傷於陰微頭痛身熱發作風溫之候風傷於衛氣也溫傷於脾氣也是以風溫爲病陰陽俱自浮汗出身重多眠鼻息語言難出此已上二證不宜下若與巴豆大毒丸藥熱證併生重者必死二之氣病宜以桂枝麻黃湯發汗而已

小滿巳上三之氣

陽者上當
有太字

三之氣爲病多發熱皆傳足經者多矣太陽陽明少陽太陰少陰厥陰陽者發熱惡寒頭項痛腰脊強陽明身熱目疼鼻乾不得卧少陽者胸脇痛耳聾口苦寒熱往來而嘔此三陽屬熱太陰者腹滿咽乾手足自溫自利不渴或腹滿時痛少陰者故口燥舌乾而渴厥陰者腹滿囊縮喘熱悶亂四肢厥冷爪甲青色三之氣病宜以清涼上溫下養不宜用巴豆丸下之

大暑未上四之氣

四之氣爲病多發暑氣頭痛身熱發渴不宜作熱病治且以白虎湯得此病不傳染次發脾泄胃泄太腸

泄小腸泄太瘦泄霍亂吐瀉下痢及赤白相雜水穀不分消腸鳴切痛面浮足腫目黃口乾脹滿氣痞手足無力小兒亦如此四之氣病宜滲泄五苓散之類

秋分酉上五之氣

五之氣爲病多發喘息嘔逆欬嗽及婦人寒熱往來瘡癰痺痔消渴中滿小兒斑癰瘡疱五之氣病宜以大小柴胡湯宜解治表裏之類

小雪亥上終之氣

終之氣爲病多發風痰風寒濕痺四肢秋收多冬水復旺水濕相搏肺氣又衰冬寒甚故發則收則痿厥

弱無以運用水液澄清冷大寒之疾積滯癢塊寒疝血瘕凡氣之疾終之氣病宜破積發汗之類

○肝之經足厥陰風乙木

是動則病腰痛不可以俛仰丈夫癰疽婦人少腹腫甚則嗌乾面塵脫色是肝所生病者胸滿嘔逆飧泄狐疝遺溺閉癢爲此諸病

膽之經足少陽風甲木

是動則病口苦善太息心脇痛不能轉側甚則面微有塵體無膏澤足外反熱是爲陽厥是主骨所生病者頭痛額痛耳內聾痛缺盆中腫痛腋腋下腫馬刀俠

傷風咳嗽
瘰癧汗出振寒瘧胸脇肋髀膝外至脛絕骨外踝前及
諸痛皆痛小指次指不用爲此諸病

心之經手少陰暑下火

是動則病噎乾心痛渴而欲飲是爲臂厥是主心所
生病者目黃脇痛臍臂內後廉痛厥掌中熱痛爲此
諸病

小腸經手太陽暑丙火

是動則病噎痛頰腫不可以顧肩似拔臍似折是主
液所生病者耳聾目黃頰腫頸頰肩臍肘臂外後廉
痛爲此諸病

脾之經足太陰濕已土

是動則病舌本強食則嘔胃脘痛腹脹善噫得後與
氣則快然如衰身體皆重是主脾所生病者舌本痛
體不能動搖食不下煩心心下急痛溇瘕泄水閉黃
疸不能卧強立股膝內腫厥足大指不用爲此諸病

胃之經足陽明濕戊土

是動則病灑灑振寒善呻數欠顏黑至則惡人與火
聞木聲則惕然而驚心欲動獨閉戶塞牖而處甚則
欲上高而歌棄衣而走責響腹脹是爲胃厥是主血
所生病者狂瘡溫淫汗出衄衄口喎唇胗頸腫喉痺

大腹水腫膝腫痛循膺乳氣衝股伏兔胛外廉足跗上皆痛中指不用氣盛則身以前皆熱其有餘于胃則消穀善饑溺色黃氣不足則身以前皆寒慄胃中寒則脹滿爲此諸病

心包絡手厥陰爲母血

是動則病手心熱臂肘掌急腋腫甚則胸脇支滿心中憺憺大動面赤目黃喜笑不休是主脉所生病者煩心心痛掌中熱爲此諸病

三焦經手少陽爲父氣

是動則病耳聾渾渾惺惺噎腫喉痺是主氣所生病

者汗出目銳背痛耳後肩臑肘臂外皆痛小指次指不用爲此諸病

大腸經手陽明燥庚金

是動則病齒痛頸腫是主津液所生病者目黃口乾鼽衄喉痺肩前臑痛大指次指痛不用氣有餘則當脉所過者熱腫虛則寒慄不復爲此諸病

肺之經手太陰燥辛金

是動則病肺脹滿膨膨而喘欬缺盆中痛甚則交兩手而聳此爲臂厥是主肺所生病者欬上氣喘渴煩心胸滿臑臂內前廉痛厥掌中熱氣盛有餘則肩背

痛風寒汗出中風小便數而欠氣虛則有背痛寒少
氣不足以息溺色變爲此諸病

腎之經足少陰寒水

是動則病饑不欲食面如漆柴欬唾則有血喝喝坐
而欲起目眈眈如無所見心如懸若飢狀氣不足則
善恐心惕惕如人將捕之是爲骨厥是主腎所生病
者口熱舌乾噤腫上氣噤乾及痛煩心心痛黃疸腸
澼春股內後應痛痿厥腎足下熱而痛爲此諸病

膀胱經足太陽寒水

是動則病衝頭痛目似脫項如拔脊痛腰似折髀不

草
綠
作
苦

可以曲伸如結踱如裂是爲蹠厥是主筋所生病者
痔瘡狂癲疾頭顙項痛目黃淚出衄衄項背腰尻脚

踱脚皆痛小指不用爲此諸病

風治法風淫于內治以辛涼佐以甘草以甘緩之以
辛散之

防風通聖散

天麻散

防風湯

祛風湯

小續命湯

消風散

排風湯

暑治法熱淫于內治以鹹寒佐以甘苦以酸收之以
苦發之

白虎湯

桂苓湯

玉壺丸

碧玉散

玉露散

石膏湯

濕治法濕淫于內治以苦熱佐以鹹淡以苦燥之以

淡泄之

白朮木香散

桂苓白朮丸

五苓散

葶藶木香散

益元散

神助散

火治法火淫于內治以鹹寒佐以甘辛以酸收之以

苦發之

涼膈散

解毒丸

神功丸

八正散

調胃散

大小承氣湯

燥治法燥淫于內治以苦溫佐以甘辛以辛潤之以

苦下之

神功丸

麻仁丸

脾約丸

潤體丸

潤腸丸

四生丸

葶藶散

寒治法寒淫于內治以甘熱佐以苦辛以辛散之以

苦堅之

薑附湯

四逆湯

二薑湯

朮附湯

大戊巳丸

附子理中湯

六門病證藥方

風門獨治於內者

防風通聖散

防風天麻丸

防風湯

小續命湯

消風散

祛風丸

承氣湯

陷胸湯

神芎丸

大黃丸

備急丹

暑門獨治於外者

白虎湯

桂苓甘露散

化痰玉壺丸

益元散

玉露散

石膏散

拔毒散

水澄膏

魚膽丸

金絲膏

生肌散

濕門兼治於內者

五苓散

葶藶木香散

白朮木香散

益元散

大橘皮湯

桂苓白朮丸

神助散

大柴胡湯

小柴胡湯

柴胡飲子

防風通聖散

防風當歸飲子

火門兼治於外者

涼膈散

黃連解毒湯

瀉心湯

神芎丸

八正散

調胃散

調胃承氣湯

桂苓湯

麻黃湯

小建中湯

升麻湯

五積散

燥門先治於內後治於外者

神芎丸

脾約丸

麻仁丸

潤體丸

四生丸

謂寒藥攻其裏大黃蕪牽牛之類

謂熱藥攻其表桂枝麻黃升麻之類

薑附湯

四逆湯

二薑湯

朮附湯

寒門先治於外後治於內者

大已寒丸

理中丸

謂熱藥攻其表

謂寒藥攻其裏

內經濕變五泄六氣屬天無形風暑濕火燥寒

五形濕屬戊己濕入肺經爲實

六味屬地有質酸苦甘辛鹹淡

五臟濕屬脾胃濕入大腸爲虛

○胃泄風濕

夫胃泄者飲食不化完穀出色黃風乘胃也宜化劑之類

脾泄暑濕

夫脾泄者腹脹滿注實則生嘔逆三證宜和劑淡劑甘劑清劑之類

大腸泄燥濕

夫大腸泄者腸鳴切痛先宜寒劑奪之次甘劑分其

陰陽也

小腸泄熱濕

夫小腸泄者，洩而便膿血，少腹痛，宜寒劑奪之，淡劑甘劑分之。

大瘕泄寒濕

夫裏急後重，數至圊而不能便，先宜清劑寒劑奪之，後以淡劑甘劑分之，或楚中痛亦同。

○金櫃十全之法

飧泄春傷於風，夏必飧泄，暮食不化，亦成飧泄，風而飧泄者，先宜發劑，次宜淡劑，甘劑分劑之類。

屎作

洞泄春傷於風，邪氣留連，乃為洞泄，瀉下褐色，治法同上，又宜灸分水穴，濕氣在下，又宜以苦劑越之。洞泄寒中，洞泄寒中，俗呼曰休息痢，洞泄屬甲乙風木，可灸氣海，水分三里，慎勿服峻熱之藥，小便澀則生足腫，腹脹滿者，死於庚辛之日，如屎臭者，不治。霍亂吐瀉水穀不化，陰陽錯亂，可服淡劑，調以水，水令頓服之，則愈。

注下火氣太過，宜涼劑，又宜淡劑，調水，水令頓服之，則愈。此為暴下不止也。腫蠱三焦閉澀，水道不行，水滿皮膚，身體否腫，宜

越前發劑奪劑

腹脹 濁氣在上不散可服木香檳榔丸青皮陳皮

屬大腸爲濁氣逆肺金爲清氣逆氣化則愈矣

腸鳴 燥濕相搏爲腸鳴中有濕亦爲腸鳴火濕相

攻亦爲腸鳴治法同上治之大効

支滿驚漉 上滿而後泄下泄而後復上滿治法同

上又則反寒治法同寒中如驚漉而腸寒者亦斯義

風濕亦有支滿者

腸澼 大小便膿血治法同上又宜不二丸地榆散

駐車丸及車前子等藥次宜淡劑甘劑分劑之類

屍作

臟毒 下血治法同上又宜苦劑奪劑以苦燥之如

酒毒下血同

大小便血 大小便治法同上血溫身熱者死火之

成數七日而死如屎臭者不治

脫肛 大腸熱甚也用酸漿水煎三五沸稍熱漂洗

三五度次以苦劑堅之則愈

廣腸痛 治法同上又大黃牽牛丸散奪之法燥瀉

亦同痔漏廣腸痛腸風下血皆同臟毒治法

乳痔腸風必肛門左右有核內經曰因而飽食筋脉

橫解腸澼爲痔屬大腸經可服枳殼之屬大癖生腸

橫解腸澼爲痔屬大腸經可服枳殼之屬大癖生腸

風乳痔相連

○金櫃十全五泄法後論

天之氣一也一之用爲風火燥濕寒暑故濕之氣一
之一也相乘而爲五變其化在天爲雨在地爲泥在
入爲脾甚則爲泄故風而濕其泄也胃暑而濕其泄
也脾燥而濕其泄也大腸熱而濕其泄也小腸寒而
濕其泄也大瘕若胃不巳變而爲飧泄飧泄不巳變
而爲洞泄洞泄不巳變而爲脾泄寒中此風乘濕之
變也若脾泄不巳變而爲霍亂霍亂不巳變而爲注
下注下不巳變而爲腫蠱此暑乘濕之變也若大腸

濕寒乘濕
作來濕

泄不巳變而爲腹脹腹脹不巳變而爲腸鳴腸鳴不
巳變而爲支滿驚漉此燥濕乘之變也若小腸泄不
巳變而爲腸澼腸澼不巳變而爲臟毒臟毒不巳變
而爲前後便血此熱乘濕之變也若大瘕泄不巳變
而爲脫肛脫肛不巳變而爲廣腸痛廣腸痛不巳變
而爲乳痔腸風此寒乘濕之變也凡此二十五變若
無濕則終不成疾况脾胃二土共管中州脾好飲脾
亦惡濕此泄之所由生也凡下痢之脉微且小者生
浮大者死水腫之反是浮大者生沉細者死夫病在
裏脉沉在表脉浮裏當下之表當汗之下痢而脉浮

心下下
皆用有脈字

臨地他字在解下

滑水腫者脉沉細表裏俱受病故不治也凡下血便血兩手脉俱弦者死絕俱滑大者生血溫身熱者死王太僕則曰若下血而身熱血溫是血去而外逸也血屬火故也七日而死者火之成數也夫殮泄得之於風亦汗可愈或伏驚怖則膽木受邪暴下綠水蓋謂戊巳見伐於甲木也嬰兒泄綠水素問有嬰兒風理亦如之洞泄者殮泄之甚但殮泄近於洞泄洞泄久則寒中溫之可也治法曰和之則可也汗之則不可蓋在腑則易治入臟則難攻洞泄寒中自府而入臟宜和解而勿爭水腫之作者未遽而然也由濕遍

諸音指水所傳曰

於大腸小洩自瀉水濕既滯腫滿日倍面黃腹大肢體如泥濕氣周身難專一法越其高而奪其下發其表而滲其中酸收而辛散淡滲而苦堅用攻劑以救其甚緩劑以平其餘如是則孤精得氣獨魄反陽亦可保形陳莖去而爭府潔矣彼豆蔻烏梅壘栗蔓勿驟用也設病形一變必致大悞或通而寒或塞而通寒塞通通豈限一法世俗止知塞劑之能塞而不知通劑之能塞者拘於方也凡治濕皆以利小洩為主諸泄不已宜灸水分穴謂水穀之所別也臍之上一寸半灸五七壯腹鳴如雷水道行之候也凡濕勿鍼

內經雖云繆刺其處莫若以張長沙治傷寒法治之
蓋泄者亦四時傷寒之一也仲景曰上涌而下泄表
汗而裏攻半在表半在裏則宜和解之表裏俱見隨
證滲泄此雖以治傷寒其於治濕也同仍察脉以視
深淺問年壯以視虛實所授必如其意矣頃商水縣
白堤酒監單昭信病飧泄逾年不愈此邑劉繼先命
予藥之爲桂枝麻黃湯數兩一劑而愈因作五泄圖
撫難素本意書錄于上刊而行之誠有望于後之君
子戴人張子和述已上之圖校改爲篇法
儒門事親卷之十

儒門事親卷之十一

戴人張子和著

新安吳勉學校

風論

論曰人之生也負陰而抱陽人居一氣道在其中矣
外有八邪之相盪內有喜怒之交侵真氣內弱風邪
襲之風之傷人或爲寒熱或爲疼痛或爲偏枯或爲
拘攣其候不一風者善行而數變此乃風者百病之
始萬病之長也蓋內不得通外不得泄此謂之病生
於變亂也或失音而昏冒或口目而喎斜可用一聖

散吐之或不知人事者或牙關緊急者粥不能下不能嚥者煎三聖散鼻內灌之吐出涎沫口自開也次服無憂散通解九通聖涼膈人參半夏丸桂苓甘露散消風散熱除濕潤養液之寒藥排而用之切忌雞猪魚兔油膩酒醋蕎麥麵動風之物及引痰之食大凡頭風眩暈手足麻痺胃脘發痛心酸滿悶按之有聲者因風風寒濕三氣雜至合而為痺也在上謂之停飲可用獨聖散吐之吐訖後服清上辛涼之藥通聖散加半夏之辛仲景云此痰結胸中而致也大凡風癰疔發項強直視不省人事此及肝經有熱

也或有咬牙者先用薄荷苦酒湯吐之吐後可服瀉青丸下之次服加減通聖散頭眩牙證用導赤散治之則愈如病發者可用輕粉白礬礞石代赭石發過米飲調之經云重劑以鎮之

大凡人病雷頭懶于俗呼之謬名也頭痛昏眩皆因浴髮而得之即為首風此因邪風在於胸中熱甚化而為痰風之所致也可以茶調散吐之吐訖次用藏用丸下之後可服烏荆丸若是雷頭者上部多有赤腫結核或面熱無汗經云火鬱發之開導之決之可用鉗鉞出血則愈靈樞經云奪血者無汗奪汗者無

懶音賴情急也
于雲懼切
于其

血血汗俱瀉豈不妙哉。羣老者可用涼膈解毒消風散熱爲治。年壯者可以蕩滌積熱。大黃牽牛氣血宣通便無壅滯而愈。

凡人患目腫經年不瘥俗言頭風所注更加頭痛者豈非頭風者歟。此乃足厥陰肝之經手少陰心之經兼五臟俱有大熱也可先用通解丸通利大小便。大黃越桃飲子治肝熱者羌活決明散服之大有神効驗矣。

凡目有淚出俗言作冷淚者非也。內經曰肝液不禁此大熱毒蒸於肝也。熱極生風風衝於外火發於內。

風熱相搏此大淚出也。內外皆治可以愈也。治外以貝母一枚白膩者加胡椒七枚不犯銅鐵細研鰾酢點之治內者去風散熱之劑可用當歸飲子服之陽熱極甚者目睛發痛不可忍者可用四物湯加漢防已草龍膽送下神效。凡五七十九利三五五行則愈。凡人病痰發者其證不一蓋有五焉。一曰風痰二曰熱痰三曰濕痰四曰酒痰五曰沫痰諸痰在於膈上使頭目不能清利涕唾稠粘或欬唾喘滿或時發潮熱可用獨聖散吐之次服加減飲子或疏風丸間而服之內經曰所謂流濕潤燥之義也。

凡人但冒風邪，溫病前三日在表，未入於裏，其候頭項強痛，身熱惡風寒，有汗無汗，腰痛不得俯仰，可用益元散五錢，通聖散五錢，相合服之，名曰雙解散。用水一大碗，生薑十餘片，連翹白五七葉，黃芩一握，煎至三五沸，去滓，先服大半，良久以釵子探咽喉中，吐出痰涎，不可嗽口，次又服少半，投之如未汗出，更用葱醋酸辣湯再投之，衣被蓋覆，汗出則愈矣。氣交變大論云：歲火太過，炎暑流行，火氣太劇，肺金受邪，上應熒惑，大而明現，其病熱鬱，可用辛涼之劑。萬舉萬全，夫擾攘之世，藥宜辛涼以解火，治世人民安靜。

如用升麻葛根湯敗毒散辛溫之劑，亦無加害，亦可加葱白鹽豉上而越之，表而解之內經曰：因其輕而揚之，揚者發揚也。吐汗之後宜大將息，旬日之後不可犯之，犯之其病復作也。

凡傷寒疫癘一法，若無藥之處，可用酸漿汁一大碗，煎三五沸，去菜葉，飲訖候少時，用釵子咽喉中探吐，如此三次，再煎葱醋湯投之，衣被蓋覆，汗出而瘥。內經曰：醋苦涌泄為陰，傷寒三日頭痛身熱，病在上宜涌之，涌後以淡粥養之。

又一法用鳳凰臺散，噴於鼻內，連嚏二三十次，嚏罷

時坐于煖室中，噀罷以漿水粥投之，衣被蓋之，汗出而愈。噀法同吐法用之。

一法導引：若無藥處用之，令人盤兩足而坐，以兩手交十指，攀頭後風池風府二穴，此風之門也。向前仰首，數至於地，如此連折點地一百二十數，急以酸醋白湯投之，汗出即解。

凡男子婦人小兒手足麻痺，肌肉不仁者，風寒濕三氣相雜至，合爲痺。先用黃芩芍藥湯吐之，吐訖次用通解丸通經而瀉之。瀉訖更用辛甘之劑汗之，汗瀉之後可用當歸清涼飲子，兼烏荊丸除濕丹和血行。

經之藥，則愈矣。

凡人病痰證發者，比前論更多，有三證顯證，共成五也。一曰風痰，二曰熱痰，三曰濕痰，四曰酒痰，五曰食痰。諸痰在口上焦，毒熏於頭者，諸陽之會首也。故令病人頭重目澁，涕唾稠粘，或咳嗽喘滿時發寒熱，可用赤小豆湯吐之。吐後各隨其證而治之，可服消風去熱導濕化痰者，可服通聖加半夏導氣之劑，豈不妙哉？如新暴風痰者，形寒飲冷，熱痰者火盛，制金濕痰者停飲不散，可服加減連翹飲子除濕丹，無憂散亦有酒痰者，解毒三聖丸主之。五者食痰可用漢防

已凡丹砂選而用之若依法服之決有神効

論火熱二門

凡傷寒中風溫疫時氣冒暑感四時不正之氣若邪毒之氣人或感之始于巨陽受之二日陽明受之三日少陽受之前三日在于表陽也後三日在于裏陰也內經熱論通謂之傷寒熱病者言一身之熱氣也傷寒者外感于寒邪也夫傷寒之寒熱者惡寒爲表熱裏和故惡寒脉浮大也發熱爲裏熱表和故發熱脉滑實也可以吐法而解之用拔雪湯主之生薑葱白豆豉同煎薑豉苦酒湯上而越之若病人脉沉實

沃

者或不失便喘滿譫語不必拘日數急攻于裏可用通解丸胃中渴燥者太承氣湯下之慎不可用銀粉巴豆粉霜杏仁芫花熱性之藥用之必致危殆仲景云調理傷寒者皆在汗下之理當明表裏無不愈矣差之毫釐失之千里深可慎之汗下之後切宜慎口可服淡粥而養之不然其病復作

又論傷寒七八日潮熱腹滿發黃有斑者何臟使然內經云手太陰肺經足太陰脾經足陽明胃經手少陰心經此四經受病也仲景云兩寸口脉俱浮滑胸中有痰攻上者可用瓜蒂散吐之吐後隨證調治處

藥發黃之證皆因陽明中風太陽中濕瘀血與宿穀相搏令入發黃煎梔子茵陳蒿湯調加減五苓散服之後利小便快者如皂角色汁此爲効矣發斑者心經受熱故有此證詳班輕重用藥之理輕者班紅可用越桃飲子重者班紫毒氣胃中盛也大青四物湯玄參升麻湯主之潮熱腹滿者謂邪熱在胃中也可用蕩滌邪熱流濕潤燥宜急治之雜病寸口脉沉實者亦在胸中有啓玄子注云上盈不愈者吐而奪之此病乃瘵矣班黑者危而難治也黃病血病問其小便利與不利也又有頭痛數日不止者此乃六陽

受病也手之三陽從手走至於頭足之三陽從下走至於上蓋六陽之聚會也久痛不愈者令人喪目以胸膈亦有宿痰故也先以羌活散涌之以川芎右膏散白虎湯選而服之則愈矣

又一法治頭痛不愈者可煎連翹湯白豆豉湯多服之後吐爲効吐後可服川芎薄荷湯辛涼之劑清上之藥疎風尤散之類仲景云傷寒頭痛脉寸口急而頭痛是也

凡男子有病面黃身熱肌瘦寒熱往來如瘧狀更加涎嗽不止或喘滿面目浮腫者或身體俱熱或有自

汗內經云病名傷寒夾勞之證也治之奈何病在上者其高者因而越之可用防已散吐之吐後切用通解丸一服次服人參黃耆散當歸飲子加減小柴胡湯擇而用之內經謂男女之證皆同類用其治法也依此調治無不取効矣

凡人病心胸痞悶不欲飲食身體壯熱口燥舌乾大小便不利有一工治之說下元虛冷便投煖藥十數服其病不愈又一醫所論與前亦同又投煖藥五七日其證轉加困弱請余治之診脉而說曰審問日數飲食大小便何似小便赤色大便黑色便言傷寒瘀

血之證切用大黃芍藥湯二劑次服犀角地黃湯二服後用通經丸一服換過太便黃色以爲効驗此藥服十餘服方可病瘥矣

凡男子婦人所顯證候皮膚發熱肌肉消瘦四肢倦怠兼有頭痛煩赤心忪唇乾舌燥日晡潮熱夜有盜汗涕唾稠粘胸膈不利或時喘嗽五心煩熱睡卧不安飲食減少多思水漿經脉不通病名曰何病奇病論曰女子不月血滯之病也男子腎虛精不足也凡治此證降心火益腎水此之謂也可先用通解丸瀉三二行次服當歸飲子又用加減五苓散木香三稜

凡人參黃芪散犀角散之類詳其虛實選而用之若
咯膿咯血大小便血但亡血者不可宜吐勿服酸辛
熱物薑附之類藥不可不戒慎也若犯諸亡血之證
者不可發汗不可溫補脾胃之藥若服之雖進飲食
不生肌肉此病轉加危篤乃成虛勞之病也
凡醫人不明發表攻裏亂投湯劑有誤性命更大忌
夏月燔炙中脘臍下關元氣海背俞三里等燔炙千
百壯者全無一効使病者反受其殃豈不痛哉虛勞
之疾私嗜肉食麵辛酸之物不可食之但可食者謹
按神農食療而與之菠稜葵菜水清涼之物不可

禁也且圖寒涼滑利腸胃使氣血並無壅礙燥濕經
曰穀入于胃脉道乃行水入於經其血乃成若不忘
慎致令病人胃口閉澀則形體漸瘦此乃死之由也
諸勞皆倣此但諸人咯膿血衄血大小便血者可服
三黃丸黃連解毒丸涼膈散加桔梗當歸大黃芍藥
犀角地黄湯大作劑料時時呷之內經曰所謂邪熱
傷於肝心之病依此調治萬舉萬全矣

凡人年四十以上日久多言以致虛損面色黧黑飲
食無味心胸痞悶四肢倦怠肌體餘熱大小便不利
治之奈何內經曰不可熱補之夫男子腎虛水不足

也凡補虛之劑多用烏附天雄之類豈知腎惡燥也
女子陰虛血不足也凡補虛多以陽劑是以知陽勝
而陰虧也不可用性熱之藥補之空心可服加減八
物丸當歸飲子減桂五苓散煩渴加益元名曰淡滲

散更服通解丸顯仁丸亦可服之大有神効
凡人有臟毒下血何謂也生氣通天論曰邪熱傷肝
因而大飽筋脉橫解腸辟爲痔故膿血者血隨熱行
參差入于腸胃之間乃成瀉血也若身體壯熱則爲
難治身涼者可治也可先調中消血蕩除積血瀉之
三二行瀉後服芍藥蘗皮丸黃連解毒湯五苓散益

元散各停新汲水調下五七錢甚者取地黃汁半盞
服之則愈矣

凡下利膿血腹痛不止者何也諸痛痒皆屬於心火
也可用通解丸加減瀉之量其虛實用之次用消濕
散加生薑大棗芍藥服之瀉訖又用新水調五苓散
服之

又一法煎燈心湯調下益元散五七錢此病大忌油
膩腥葷熱物

濕熱門

凡吐瀉而瀉病名曰何也內經熱論云此乃轉筋霍

亂之證也。何氣使然。此乃邪氣在于中焦。使陰陽二氣不能升降。其證心痛而吐。吐則先腹痛而瀉。心腹俱痛。則吐瀉並作。使致攝霍之間。自然撩亂。此證喜寒涼之物。可用冰水調五苓散。元則愈矣。大忌熱物。轉筋之病。治之奈何。經曰。勞者溫之。溫者溫存之意也。

又一法。生薑湯益元散。白朮散。禹攻散。加水。沉冷細細呷之。渴未止者。頻頻飲之。如無米。新汲水亦得用之。大忌白粥米湯。桂附種種之燥藥。不可服之。服之必死。如無藥處。可服地漿。地漿者。掘地作坑。注新水。

性
當作

于其中。攪渾旋旋取澄清者飲。三五盞立愈。

凡大人小兒暴注水瀉不止。內經曰。此名暴速注瀉。久而不愈者。為涌泄注下。此乃火運太過之病也。火注暴速故也。急宜用新汲水調下甘露飲子五苓散天水散。或用井花水煎此藥。放冷服之。病即瘥矣。不可用御米殼乾薑豆豉聖散子之類。縱然瀉止。腸胃氣滯不通。變為腹脹。此法宜分陰陽利水道。乃為治法之妙也。

上古天真論云。一陰一陽之謂道。故男女有陰陽之質不同。則天癸精血之形亦異。陰靜而海。清血溢陽。

仙門畢
動而應合精泄二者通和故能有子易繫辭曰男女
構精萬物化生人稟天地而成形也

風門

凡風中失音悶亂口眼喎斜內經曰風之爲病善行
而數變感則害人有倉卒之變故百病皆生於風也
可用三聖散鼻內灌之吐出涎口自開也如不省人
事牙關緊閉粥藥不能下者用此藥如無此證可三
聖散吐之次服通聖涼膈人參半夏丸桂苓甘露散
等切忌雞猪魚兔酒醋蕎麥麵動風之物引痰之食吐
痰之法在方論中

凡頭風眩運手足麻痺胃脘發痛心腹滿悶按如木
聲可用獨聖散吐之吐訖可用清上辛涼之藥仲景
曰此寒痰結在胸中而致然也

凡癰病至于呆證者用三聖散吐之於煖室中勿令
透風可以汗下吐三法俱行次服通聖散百餘日則
愈矣

凡雷頭懶于俗呼之謬名也此疾胸中有寒痰由多
沐之所致也可以茶調散吐訖三三升次用神芎丸
下訖三五行然後服愈風餅子則愈矣此雷頭者是
頭上有赤腫結核或如酸棗狀可用銚鍼出血則愈

凡赤目經年不愈是謂頭風所注更加頭痛可用獨
聖散吐之次服洗心散八正散之類赤目腫作是足
厥陰肝經有熱用利小便瀉肝經除風熱之寒藥則
愈矣

凡風衝泣下俗呼爲冷淚者謬也內經曰太陽不能
禁固因風衝于外火焚于內風熱相搏由此泣下內
經曰熱則五液皆出熱甚則淚出治之以貝母一枚
白膩者佳胡椒七枚不犯銅鐵研細點之臨卧治法
曰風宜辛散寒宜甘發氣遇寒則凝血得熱則散
凡諸痰在於膈上使頭目不能清利涕唾稠粘或欬

嗽喘滿時發潮熱可用獨聖散吐之次服搜風丸之
類內經曰所謂流濕潤燥之義也

凡冒風時氣濕病傷寒三日已裏頭痛身熱惡寒可
用通聖散益元散各五七錢水一大椀入生薑十餘
片連鬚葱白十餘莖豆豉一撮同煎三五沸去滓先
服多半良久以銀子探於咽中吐了不得嗽口次用
少半投之更用酸辛葱醋湯投之衣被蓋覆汗出則
解夫擾攘之世常與內經歲火太過同法歲火太過
炎暑流行火氣大劇金肺受邪上應熒惑大而明顯
若用辛涼之劑解之萬舉萬全人民安靜則便同水

傷寒復
字

化可以升麻湯葛根湯敗毒散辛溫之劑解之雖有潮熱亦無加害亦可加豆豉葱白上涌而表汗自出內經曰因其輕而揚之揚者發揚也吐汗所以發寒熱之邪也吐汗之後必大將息旬日之後其邪不傷作也
凡大人小兒風濕寒三氣合而為痺及手足麻痺不仁內經曰榮虛衛實皮膚不仁痺而不知疼痛可用蔚金散吐之次服導水丸輕寒之藥泄之泄訖次以辛溫之劑發散汗出後常服當歸芍藥烏附行經和血之藥則愈矣

凡風蛀牙疼久不愈者用鍼鐵巴豆一枚以燈燎之煙盡存性於牙根盤上燻之則愈

凡泄瀉米穀不化日夜無度腹中雷鳴下利完穀可用導水丸禹攻散泄之或病人老弱氣虛可用無憂散泄之再觀病勢強弱候一二可服胃風湯以治其風如不愈者更服桂枝麻黃湯汗之則愈內經曰夫風之中為腸風飧泄啓玄子云風入胃中上薰於胃故食不化而下泄又云暮食不化為飧泄又經云春傷於風夏為飧泄故風宜出汗腸中鳴者風以動之動而有聲慎不可用罌粟豆蔻乾薑太燥之藥病漸

者燥之去其濕則愈病甚者攻之不動反能爲害經
曰其減則漸其加則甚可用五苓散去猪苓加入參
散服之

凡富貴膏粱之家病瘧或間日或頻日發或熱多寒
少或寒多熱少宜大柴胡湯下過三五行次服白虎
湯或玉露散桂苓甘露散之類如不愈者是積熱太
甚以神芎三花神祐丸調胃承氣湯等大作劑料下
之下後以長流水煎五苓散服之或服小柴胡亦可
或先以常山散吐之後服涼膈白虎之類必愈矣大
忌發熱之物猪雞魚兔五辛之物犯之則再發也

凡田野貧寒之家病瘧爲飲食麤糲衣服寒薄勞力
動作不與膏粱同法臨發日可用野夫多効方中溫
脾散治之如不愈服辰砂丹治之必愈矣如喫罷此
藥以長流水煎白虎湯服之不服食熱物爲瘧疾是
傷暑伏熱故也內經曰夏傷於暑秋必病瘧

凡男子婦人骨蒸熱發皮膚枯乾痰唾稠粘四肢疼
痛面赤唇焦盜汗煩燥睡卧不安或時喘嗽飲食無
味困弱無力虛汗黃瘦等證內經曰男子因精不足
女子因血不流而得此證可以茶調散輕涌訖次以
導水丸禹功散輕瀉三五行後服柴胡飲子桂苓甘

饒音譏食不
嫌也

露散犀角散之類大搜風丸白朮丸調中湯木香瀝
榔丸人參散量虛實選而用之或咯血便血諸亡血
者並不宜吐不可不知慎勿服峻熱薑附之藥若服
之飲食難進肌肉消減轉加危篤五勞之病今人不
明發表攻裏遂誤至此大忌暑月於手腕足踝上著
灸以其手足者諸陽之表起于五指之外內經曰諸
陽發四肢此穴皆是淺薄之處灸瘡最難痊也及胸
穴中脘臍下背俞三里等穴或有灸數百壯者加以
燔鍼更無寸効病人反受苦楚可不思之勞疾多饒
所忌之物但可食者宜照食療本草而與菠菜葵菜

水水涼物慎不可禁且因水穀入胃脉道乃行也若
遇禁則胃口閉而形體漸瘦而脉大乃死之候也諸
勞皆倣此

凡病人虛勞多日無力別無熱證者宜補之可用無
比山藥丸則愈矣

凡痔漏腫痛內經曰因而大飽筋脉橫解腸癖為痔
而不愈變為漏痔與漏其治同法至真要大論云太
陽之勝熱凜且至非時水冰痔瘡取法注云水氣太
勝陽火不行此言陽火畏水鬱而為痔又少陰之復
痛疹瘡瘍癰疽瘰癧注云火氣內蒸金氣外拒陽熱

內鬱故爲癰疹瘡瘍疹甚亦爲瘡也熱少則外生痛疹熱多則內結癰瘰小腸有熱則中外爲痔其熱復之變皆病於身後及外側也又靈樞云太陽經虛則爲痔瘡癰疾蓋水虛則火所乘故也可先用導水丸禹功散瀉訖次服枳殼丸木香檳榔丸更以葵羹菠菜通利腸胃大忌房室雞魚酒醋辛熱之物凡富貴之人痰嗽多是厚味所致內經云所謂味厚則發熱可服通聖散加半夏以止嗽更服人參半夏丸以化痰墜涎止嗽定喘貧乏之人多感風冷寒濕內經曰秋傷於濕冬生欬嗽可服寧神散寧肺散加

白朮之類若欬極面赤煩冤半晌者此火化乘肺也宜詳辨之

凡大人小兒病沙石淋及五種淋澀癃閉并臍腹痛益元散主之以長流水調下蓋因熱在膀胱燥其津液故俗謂冷淋者天下之通弊也五苓散減桂加益元散名曰淡滲散凡兩目暴赤痛者腫不止睛脹胗肉結成翳膜速宜用稗草左右鼻竅內彈之出血立愈病甚人顙上百會穴攢竹眉間皆可出血則愈矣口齙木緊扣衣領不可便噴水候血盡便吐了水蓋暴赤腫痛腫乃龍火之疾養成之熱也難經曰目得

血而能視不得已而用之血化淚痛而所出經日本
病相傳先以治其氣急則治其標緩則治其本
又一法兩目赤腫發痛不止用長流水煎鹽湯吐之
次服神芎丸四物湯之類經曰暴病暴死皆屬於火
也又曰治病有緩急急則治其標緩則治其本標者
赤腫也本者火熱也鹽湯鹹寒所以制火兩目赤腫
痛不能開者以青金散鼻內噴之嚏之真氣上涌邪
氣自出矣

凡大人小兒口瘡唇裂用酸漿水洗去白痴臨卧貼
赴筵散如不愈貼鈴自霜散必愈矣

凡婦人男子喉閉腫痛不能言者刺兩手大拇指爪
甲如韭菜少商井穴也以銚鍼淺刺去血立愈如不
愈以溫血湯口中含漱是以熱導熱之法也

凡頭腫痛癰癰及胸臆肚脇之間或有瘡痂腫核不
消及膿水不止可用滄鹽一二兩炒過以長流水下
大碗煎之放溫作三五次頓服訖良久於咽喉中以
釵股探引吐之去冷痰三三升次服和血通經之藥
內經曰鹹味涌泄為陰銅人記少陽起於目銳眦行
耳後下脇肋過期門癰癰結核馬刀按癰足少陽膽
經多氣少血之病也

凡癭瘰脹悶養生論云兩山挾水其人多癭疾土厚水深其人多癭地勢使然也此可服人參化癭丹自

消癭藥多用海藻海帶味屬鹹寒

凡背瘡初發便可用藏用丸王燭散大作劑料下臍臍一二十行次用針針於腫焮處循紅暈周圍內密刺三層出血盡以溫軟帛拭去血甚者百會委中皆出後用陽起散傳之不可使服十味內托散其中犯官桂更用酒煎男子以背為陽更以熱投熱無乃太熱乎

凡便癰者誤名也乃男子血疝也難素所不載然而

是厥陰肝之經絡是血流行之道路也衝脉任脉督脉亦屬肝經之旁絡也難經曰男子七疝血疝者乃七疝之一也治以導水丸桃仁承氣湯或抵當湯投之同瘀血法聚而不散可以大作劑料大瀉一二十行次以王燭散和血通經之類是也世人多用大黃牡蠣間有不愈者是不知和血通經之道也

凡下疳久不愈者俗呼曰臊疳可以導水丸禹功散先瀉肝經訖以木香散傳之日上三兩度後服淡粥一二日止

凡一切惡瘡久不愈者以木香檳榔散貼之則愈矣

凡男子婦人欬逆俗呼曰吃忒乃陰陽不和之故火欲上行爲寒所抑寒不勝火故作凝滯之聲傷寒亦有此證並宜既濟散治之

濕門

凡男子婦人病水濕瀉注不止因服豆蔻烏梅薑附酸熱之劑經曰陽氣耗減於內陰精損削於外三焦閉溢水道不行水滿皮膚身體痞腫面黃腹大小便赤色兩足按之陷而不起內經曰諸濕腫滿皆屬脾土可用獨聖散吐之如時月涼寒宜於煖室不透風處用火一盆藉火力出汗次以導水禹功量病人虛

實瀉十餘行濕去腫減則愈矣是汗下吐三法俱行三法行畢臟腑空虛先宜以淡漿粥養腸胃三兩日次服五苓益元同煎或燈心湯調下亦可如大勢未盡更服神功散可以流濕潤燥分陰陽利水道既平之後宜大將息慎忌油鹽酒果房室等事三年則不復作矣

凡上喘中滿酸心腹脹時時作聲痞氣上下不能宣暢叔和云氣壅三焦不得昌是也可用獨聖散吐之次用導水禹功散輕瀉三四行使上下無礙氣血宣通並無壅滯後服平胃散五苓散益元甘露散分陰

焦疑消

乾音晒曝也

千

陽利水道之藥則愈矣
凡老人久病大便澁滯不通者可服神功丸麻仁丸
時時服葵羹菠菜自然通利也
凡三焦者內經所謂肺消渴等可取生藕汁服則愈

寒門

經曰寒瘍流水俗呼爲凍瘡因冬月行于冰雪中而
得此蓋或經年不愈者用坡野中淨土曬乾以大蒜
研如泥土捏作餅子如大觀錢厚薄量瘡口大小貼
之以火艾如千餅上灸之不計壯數以泥乾爲度去
乾餅子再換濕餅灸不問多少直至瘡痂覺痛癢是

瘡活也然後口含藥水洗瘡用雞翎一二十莖縛作
刷子於瘡上洗刷淨以此洗刷不致肌肉損傷也以
軟帛拭乾次用木香檳榔散傅之如夏月瘡口更妙

內傷

凡一切冷食不消宿食不散亦類傷寒身熱惡寒戰
慄頭痛腰脊強不可用雙解散止可導飲丸木香檳
榔丸五六十丸量虛實加減利五七行所傷冷物宿
酒推盡頭痛病自愈矣次以五苓散生薑棗煎用長
流水煎取五六錢不可服酒癥丸進食丸此藥皆犯
巴豆有大毒故也

持音至聖持音
早音平對與也

凡膏粱之人起居閑逸奉養過度酒食所傷以致中
脘留飲惡悶痞滿醋心可服木香導飲丸治之若田
野蕪蕘之人食疎衣薄動作勞役若酒食所傷心腹
滿悶醋心時時吐酸水可用進食丸以其勝毒也病
甚者每月瀉三五次
凡一切沉積或有水不能食使頭目昏眩不能清利
可茶調散吐之次服七宣丸木香檳榔丸
凡人咳嗽一聲或作悲笑啼泣擡肩重物忽然腰痛
氣刺不能轉側或不能出氣者可用不卧散嚏之汗
出痛止

外傷治法

凡一切刀器所傷用風化石灰一斤龍骨四兩二味
爲細末先於端午日採下刺薊葉於端午日五更合
搗和成團子中間穿眼懸於背陰處陰乾搗羅爲末
於瘡上摻貼亦得裏外臙瘡并諸雜瘡皆効
凡犬咬蛇傷不可便貼膏藥及生肌散之類內經云
先治內而後治外可也先當用導水丸禹攻散之類
可瀉驚恐不散毒氣或瀉十餘行即時痛減腫消然
後可用膏藥生肌散之類傅之則愈矣
凡一切蟲獸所傷及背瘡腫毒杖瘡癰發或透入裏

若可服木香檳榔丸七八十丸或至百餘丸生薑湯下五七行量虛實加減用之內經曰先治內而後治外是也

凡落馬墜井因而打撲便生心恙是痰涎散於上也內經曰所謂因氣動而病生於外宜三聖散空心吐之如本人虛弱瘦弱可用獨聖散吐之後服安魂之藥如定志丸之類牛黃人參朱砂之屬

婦人風門

凡婦人頭風眩暈登車暈船眩暈眼淚手麻髮脫健忘喜怒皆胸中宿痰所致可用芫蒂散此之次以長

流水煎五苓散大人參半夏丸

凡婦人腰膝痛兩脚麻木惡寒喜暖內經曰風寒濕合而爲痺先用服除濕丹七八十丸量虛實以意加減次以禹攻散投之瀉十餘行清冷積水青黃涎沫爲驗後用長流水煎生薑棗同五苓散服之風濕散而氣血自和也

凡婦人乳癰發痛者亦生于心也俗呼吹妳是也吹者風也風熱結于乳房之間血脉凝注久而不散潰腐爲膿宜用益元散生薑湯調下冷服或新汲水時時呷之勿輟晝夜可三五十次自解矣或煎解毒湯

頓服之

火類門

凡婦人月事沉滯數月不行肌肉漸減內經曰小腸熱已滿移熱於大腸則伏瘕爲沉沉者月事沉滯不行故云伏瘕急宜桃仁承氣湯加當歸大作劑料煎服不過三服立愈後用四物湯補之更宜服宣明中

檳榔丸

凡婦人血崩或年及四十已上或悲哀太甚故然內經曰悲哀太甚則心系急心系急則肺舉而上焦不通熱氣在中故經云血崩下心系者血少也如父不

愈則面黃肌瘦瘦弱慎不可以熱治之蓋血得熱而散故禁之宜以當歸散等藥治之

凡婦人年五十以上經脈暴下婦人經血終于七七之數數外暴下者此乃內經所謂火主暴速亦因暴喜暴怒憂愁驚恐致然慎勿作冷病治之如下峻熱藥治之必死止宜黃連解毒湯以清上更用蓮殼棕毛灰以滲其下然後用四物湯玄胡索散涼血和經之藥也

凡婦人月事不來室女亦同內經曰謂月事不來皆是胞脉閉也胞脉者屬心而絡于胞中令氣上通於

肺心下不通故月事不來也可用茶調散吐之次用
玉燭散普翦湯三和湯桂苓白朮散之類降心火益
腎水開胃進食分陰陽利水道之藥皆是也慎勿服
峻熱有毒之藥若服之變成肺痿骨蒸潮熱欬嗽咯
膿嘔血喘滿小大不便寢汗不止漸至形瘦脉大雖
遇良醫亦成不救嗚呼人之死者豈命使之然也
凡懷孕婦人病瘧可煎白虎湯小柴胡柴胡飲子等
藥如大便結硬可用大柴胡湯下微利過不可大吐
瀉恐傷其孕也經曰夏傷於暑秋必痃瘕
凡雙身婦人傷寒時氣溫疫頭痛身熱可用升麻散

編以第五
卷作熱略

一兩水半碗大作劑料去滓分作二服先一服吐了
後一服勿吐次以長流水加生薑棗煎五苓散執以
之汗盡其痛立止

凡婦人雙身大小便不利可用八正散大作劑料去
滑石加葵菜子煎服經曰膀胱不利為癃癃者小便
閉而不通也如八正散加木香取効更捷經曰膀胱
氣化則能出焉然後服五苓散三五服則愈矣

凡婦人身重九月而瘕瘕不言者是胞之絡脉不相
續也故不能言經曰無治也然有是言不若煎玉燭
散二兩水半碗同煎至七分去滓入蜜放溫時時呷

之令大下降肺金自清故聲復出也肺主聲音也
凡婦人難產者皆因燥澁緊斂故產戶不得開通宜
先於降誕之月自月之日用長流水調益元散日三
服產必易產後亦無一切虛熱氣血不和之疾如未
入月則不宜服之以滑石滑胎故也
凡婦人大產後或臍腹腰痛乃敗血惡物之致然也
醫者便作虛冷以燥熱藥治之誤已久矣難經曰諸
痛爲實實者熱也可用導水丸禹功散瀉三五行然
後以王燭散和血通經降火益水之藥治之獨不可
便服黑神散燥熱之藥當同半產治之

凡婦人產後心風者不可便作風治之宜調胃承氣
湯二兩加當歸半兩細剉用水三四盞同煎去滓分
作二服大下三五行則愈矣如未愈以三聖散吐之
蓋風狂便屬陽
凡婦人產後一二日漸熱口乾可用新汲水調王燭
散或水調甘露散亦妙勿作虛寒治之

濕門

凡婦人赤白帶下或出白物如脂可服導水丸禹功
散或單用無憂散量虛實加減泄訖服桂苓散五苓
散亭藤木香散同治濕法或用獨聖散上涌亦是室

女白帶下可用茶調散吐之吐訖可服導水丸禹功散瀉之次服葶藶木香散四物湯白朮散之類則愈矣治白帶者同瀉濕法則是也婦人有濁污水不止亦同此法也

寒門

凡婦人年二三十無病而無子經血如常或經血不調者乃陰不升而陽不降此上下不得交通有所滯礙不能為用故也可用獨聖散通訖寒痰二三升後用導水丸禹功散泄三五行或十餘行單用無憂散泄十餘行見虛寒熱虛實用之次服葱白粥三五日

胃氣宣通腸中得實可服玉燭散更助白朮散茯苓之類降火益水既濟之道當不數月而有孕內經曰婦人有癆痔遺溺嗑乾諸證雖服妙藥針灸亦不能孕蓋衝脉督脉任脉有此病不能孕故也

半產

凡婦人半產俗呼曰小產或三四月或五六箇月皆為半產以男女成形故也或因憂恐暴怒悲哀太甚或因勞力撲打損傷及觸冒暑熱慎勿用黑神散以其犯熱藥恐轉生他疾止宜用玉燭散和經湯之類凡婦人天生無乳者不治或因啼泣暴怒鬱結氣血

閉塞以致乳脉不通用精猪肉清湯調和美味於食
後調益元散五七錢連服三五服更用木梳梳乳房
週迴則乳汁自下也
又一法猪蹄調下益元散連服之
又一法針肩井二穴長驗

小兒風門

凡小兒三五歲或七八歲至十餘歲發驚涎潮搐搦
如拽鋸不省人事自瞪喘急將欲死者內經曰此者
得之在母胎胞之所受悸惕驚駭恐懼之氣故令小
兒輕者爲驚風天吊重者爲癇病風搐胎中積熱者

此者之有
亦可備作

爲癇風已上諸風證可用吐涎散吐之吐訖宜珠犀
龍麝清涼降痰之藥其食乳子母皆宜服之安魂定
魄之藥定志丸之類是也故婦人懷孕之月大忌悲
憂驚怖縱得子必有前疾小兒風熱涎嗽者可以通
聖加半夏同煎溫服

凡小兒疳瀉眼數日不開皆風熱所致可服涼膈散
瀉肝經風熱鬱其鬱結散而自開也

凡小兒通身浮腫是風水腫也小便不通者宜利小
便則愈內經曰三焦閉塞水道不利水滿皮膚身體
痞腫是乘之故可用長流水加燈心煎五苓散時時

汗之更於不透風處浴之汗出則腫消一汗減半再汗減七八分三汗消盡內外俱行也

二火類

凡小兒瘡疱癰疹麤瘡丹標等疾如遇火運勝時熒惑亂行之者不可使用升麻散解之升麻湯味辛性溫內經曰積溫而成熱是謂重火止可以辛涼之劑解之如遇平時可以辛溫蓋平時無事便同水化然而更宜審察病機甚者亦不可以辛溫但發散之後便以涼膈散加當歸及白虎湯玉露散煎服之更甚者解毒湯調胃散下之古人云癰疹瘡疱首尾俱不

後

可下皆誤矣豈不聞揚湯止沸不如抽薪內經曰五寅五申之歲多發此病者蓋明相火之所爲也又曰少陽客氣勝丹疹外發又曰諸痛痒瘡瘍皆屬心火至太關又謂百端之起皆自心生豈可使用辛溫發散乎致熱勢增劇漸成臟毒下血咬牙發搐大熱明矣如白虎加入參涼膈散加當歸桔梗勿問秋冬但見瘡疹用之神良

凡小兒瘡疱癰疹麤瘡丹標斑毒之後臟毒下血內經曰少陽客氣勝則丹標瘡疹于外也蓋餘熱不解故臟毒下血治以黃連解毒湯白虎湯涼膈散臨證

選而用之所謂自虎舊說秋冬勿用皆快也但有此
證便用之蓋其證屬相火故也大人亦同
凡小兒丹瘤浮腫毒赤走引遍身者乃邪熱之毒者
可用磁片擦出紫血其病立愈如不愈者後用涼膈
散加大黃芒硝利三五行爲效次用拔毒散搗三五
度必愈矣經曰丹熈赤瘤火之色也相火主之
凡小兒有赤瘤暴腫可先用牛黃通膈丸瀉之後用
陽起石散傳之則腫毒自消如不消可用銚針刺
血出而愈矣

凡小兒甜瘡久不愈者俗呼爲香瘡是也多在面部

兩耳前一法令母口中嚼白米成膏十貼塗之不過
三上則愈矣小兒并母皆忌雞猪魚兔酒醋動風發
熱之物如治甜指亦同此法

凡小兒面上瘡謂眉煉瘡耳上謂之轍耳足上瘡謂
靴癰此三者一究其本皆謬名也經曰諸痛瘡瘍皆
屬心火乃血熱劇而致然也或謂內經曰大瘰不可
使熱以爲皆然此不明造化之道也慎勿妄信可用
銚鍼刺之出血一刺不愈當復刺之再刺不愈則三
刺必愈矣內經曰血實者決之眉煉不可用藥傳之
以其瘡多痒痒則爬矣藥入眼則目必損矣

凡小兒牙疳齒齦者是斷腐爛也下牙屬手陽明大腸之經燥金為主上牙屬足陽明胃經濕土上下是腸胃二經也或積熱於內或因服銀粉巴豆大毒之藥入于腸胃乳食不能勝其毒毒氣循經而至于齒斷牙縫嫩薄之分反內害也可以射香玉線子治之乳母臨卧常服黃連解毒湯一服牙疳病則愈矣凡小兒身熱吐瀉腹滿不進飲食可急與牛黃通膈丸下過四五行則自愈矣蓋乳食便屬水甚則成濕以治濕法治之用燥熱之藥非也凡小兒水泄不正可用五苓散與益元散各停用新

水調下三二錢頻服不拘時候若暴速注下甚者屬火涼膈通聖等散治之用者勿輕非深於造化者未易此語

凡小兒大人小便不通內經謂三焦約約者不行也可用長流水煎八正散時時嚥之大小便利則止若不因熱藥所攻而致此者易治或因多服熱藥而燥劇至此者非惟難治不幸天耳亦可用蜜水調益元散送通膈丸

凡小兒久瀉不止至八九月間變為秋深冷痢泄瀉者清白時時撮痛乳癖不化可用養脾丸如黍米大

每服二三十九丸未飲送下日進三服則愈益黃散亦可用之

凡治小兒之法不可用極寒極熱之藥及峻補峻瀉之劑或誤用巴豆杏仁硫黃膩粉之藥若用此藥友生他病小兒易虛易實腸胃嫩弱不勝其甚每若治之

用陰陽利水道最為急用桂苓甘露散之類

